



12. november 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1) Naalakkersuisut ukiuni tallimani (5) GUX Nuummi ilinniartitsisut qassit unissimani qassillu ukiormanna atorfinitsinneqarsimani nassuiaaqquneqarput
 - a. Taarseraanneranni Naalakkersuisut patsisisaasinnaasunik nassuiaaqquneqarput
- 2) Ilinniarnertuunngorniarni inatsisaani Inatsisartut inatsisaat nr 10, septemberip 29-iani 2021-imeersumi §58-mi allaqqavoq ilinniarnertuunngorniarni ilinniartitsiniaraanni kandidatitut ilinniagaqarsimanissaq piumasagaataasoq aammalu §59-imi pædagogikummeqarnissaq piumasagaataalluni. Naalakkersuisut GUX Nuummi ilinniartitsisut tamarmik pædagogikummeqarnersut nassuiaaqquneqarput, uani ilinniartitsisut tamarmik peqarnersut akeqquneqarput
 - a. Ilinniartitsisut tamarmik pædagogikummeqarsimangippata tamanna nassuiaassutigeqquneqarpoq qanoq isilluni taamaannersoq aammalu qanoq iliuseqartoqarnersoq
- 3) Ilinniarnertuunngorniarni inatsisaani ilinniartitsisuusut nunatsinnut paasisimasaqarnissaat, kultooritsinnik oqaluttuarisaanitsinnullu paasisimasaqarnissaat sulissutigivaat? Inatsimmi piumasagaataannginnami.
 - a. Suliarineqarniangippat pilersaarutaananilu sunamita patsisaava?
 - b. GUX Nuummi ilinniartitsisut qassit nunatsinneersuuppat kalaallisullu oqaaseqartuullutik?
 - c. Aammalu qassit ukiuni qulini (10) maanna nunaqarsimalereerpat?
- 4) Ilinniarnertuunngorniarni ilinniartitsisut inuusuttuaqqat ullutsinni pissusaannut soqutigisaannullu pikkorissagaasarpat?
 - a. Taamaangippat suna peqquataava?

(Inatsisartunut ilaasortaq Najaaraq Møller, Siumut)

**Tungavilersuut:**

Ukiorpanngortuni maanna Nunatsinnut iluaqutaangaartumik ilinniarnertuunngorniarfiit piupput. Pitsanngorsaajuaannarsinnaavugullu, aammalu ilinniarnertuunngorniarfinni ilinniartut pitsaasumik atugaqarnissaat, oqaloqateqarsinnaalernissaat, pillugit suliniuteqartorujussuusarput.

Taamaakkaluartoq ilinniarnertuunngorniarfinni ilinniartitsisut paarlakaannerat ilisimaneqarpoq. Ilinniartitsisut ilinniartuutiminnik pitsaanerpaamik ikorfartuisinnaanissaat, taamaattumillu ilinniartut kikkussusaannik ilisimasaqarluarnissaat, pingaarluinnartutut Siumumiit isigaarput. Taamaammallu siunissarput pitsaaneq ornikkusukkutsigu ilinniarnertuunngorniarfinni ilinniartitsisunut piumasaqaatit qissiminnissaat pissusissamisoorpoq. Taakuummata ilinniartuutiminnik ullormiit ullormut qaninnerpaamik sullissisuusut, ikorfartuisussaallutik sullissisuusut.

Apeqqutigineqartut ullut suliffiusut qulit iluanni akeqquneqarput.